

**Dumonda Oesch concernent la finanziaziun restanta da las prestaziuns da Spitex
en il sector da la tgira da confamigliars**

La tgira da confamigliars a chasa daventa pli e pli impurtanta: las instituziuns vegnan distgargiadas e las persunas che dovran tgira pon restar pli ditg en l'ambient usità. Il medem mument creschan ils custs per la tgira da confamigliars fitg svelt en Svizra ed engrevgeschan las premias da las cassas da malsauns, quai che la federaziun da la branscha valitescha sco preoccupant. Dapi ina decisiun dal Tribunal federal da l'onn 2019 èsi cler, che confamigliars pon vegnir engaschads per la tgira da basa en il rom d'organisaziuns da Spitex renconuschidas e che lur prestaziuns pon vegnir quintadas giu sur la AOMal (premissas: garanzia da qualitat e surveglianza tras la Spitex). Per l'onn 2024 vegnan ils custs en l'entira Svizra stimads a circa 100 milliuns francs – in ferm augment, che incitescha la politica e las cassas da prender cuntramesiras per distgargiar las persunas che pajan premias. Tenor las indicaziuns da la federaziun da la branscha funcziuna quai uschia en la pratica: L'organisaziun engascha e cusseglia confamigliars e fa giu quint. Per ura vegn pajada la tariffa da Spitex da 52.60 francs or da la AOMal; vitiers vegn la contribuziun chantunala dals custs restants, quai che dat – tut tenor chantun – 70 fin 90 francs per ura. Als confamigliars emploiads vegnan pajads tipicamain 30 fin 35 francs per ura; la differenza resta tar l'organisaziun.

Er en il Grischun è la tgira da confamigliars reglada en l'Ordinaziun tar la Lescha per promover la tgira da persunas malsaunas e l'assistenza da persunas attempadas e da persunas che basegnan tgira; per prestaziuns da la tgira da basa tenor l'art. 7 al. 2 lit. c OPM vala in import maximal da 99.20 francs. En il chantun Turitg èn vegnidas annunziadas dacurt novas cundiziuns generalas – e la pauschala da viadi vegn tematisada explicitamain en quest connex.

Las deputadas ed ils deputads sutsegnads supplitgeschan la Regenza da responder las suandantas dumondas:

1. Quant autas èn ils onns 2020 fin 2025 mintgamai las expensas dal chantun Grischun per la finanziaziun restanta da las prestaziuns da la Spitex, e quant autas èn ellas tut en tut durant questa perioda?
2. Tge cumpart da questas expensas croda sin organisaziuns da Spitex ch'èn sa spezializadas sin la tgira da confamigliars (p.ex. Pflegewegweiser, Arana Care, AsFam SA, Solicare SA, IAHA)?
3. Ston organisaziuns da spitex cumprovar expressivamain ch'ellas porschan en spezial la tgira da confamigliars, sch'ellas inolteschan ina dumonda da survegnir ina permissiun da manaschi?
4. Fissi pussaivel d'introducir ina tariffa OPMc separada per confamigliars senza pauschala da viadi (aggiunta 2 da l'ordinaziun)?

Cuira, ils 22 d'october 2025

Oesch, Loepfe, Holzinger-Loretz, Baselgia, Bavier, Beeli, Biert, Binkert, Bisculm Jörg, Brunold, Cahenzli-Philipp, Candrian (Glion), Casale, Danuser (Cuira), Das, Degiacomi, Furger, Hoch, Jochum, Kappeler, Kohler, Kreiliger, Mazzetta, Messmer-Blumer, Nicolay, Preisig, Rageth, Rusch Nigg, Rutishauser, Said Bucher, Schläpfer, Tomaschett, von Ballmoos, Zindel